

DISSERTATIO HISTÓRICA
DE
PAROECIA FENNIÆ AUSTRALIS
HALIKO;

CUJUS PARTEM PRIMAM,
CONSENSU AMPLISS. FAC. PHIL. ABOËNS.

PRÆSIDE

JOHANNE HENR. AVELLAN,
Historiarum Professore Publ. & Ordin. Facult. Philos.
h. a. Decano,

PRO GRADU PHILOSOPHICO
PUBLICO MODESTE OFFERT EXAMINER

AUCTOR

BENEDICTUS JACOBUS IGNATIUS,
Ad Biblioth. Imper. Amanuensis Extra Ordin.
Stipend. Publ. Aboënsis.

In Auditorio Jurid. die XVII Jun. MDCCCXV,
h. a. m. consensu.

ABOË, TYPIS FRENCKELLIANIS.

DISSERTATIO HISTORICA

DE

PRAECEIA TERRAE AUSTRIALIS
HALICO;

EDIDIT PATRUM PULMAM

COSSENUS AMYNTAS TUSCANA VENETUS

PARISIENSIS

JOHANNES HEINRICUS VON VELLUM

ACADEMIA IMPERIALIS PETROPOLITANAE
A. D. 1740.

EX CAVENDISH LIBRARIES

SCARLETT MORTON OLIVER EX LIBRIS

A. D. 1740.

SENEBICUS VACOBUS IGNATIUS

ACADEMIA IMPERIALIS PETROPOLITANAE EX LIBRIS

SCARLETT MORTON OLIVER

IN ANGLOIS LONDINIIS ANNO 1740. MDCCXCV.

E. & W. GUTHRIE

ADIE, TERRA FEDERATIONIS



*Quid juvat nosse omnes Græcorum
& Romanorum Historias, terra-
rum situs, incolarum mutationes,
priscos ritus, si in Patria tua
hospes & ibi semper puer sis?*

MEIBOMIUS.

Qui ex amplitudine finium, numero incolarum aut celebritate factorum memorabilium illustriumve, locum aliquem dignum, qui describatur, judicare solent, supervacanam fortassis & inutilem censebunt, quam in hoc specimine elaborando collocavimus, operam. Sed quemadmodum ut SENeca ait: *patriam diligimus non quia magna sed quia nostra*, sic nos quoque, amore in loca ubi lætissima ætatis tempora transegimus, quorumque læta atque tristia cognoscere nobis semper & honestum & jucundum visum est, stimulati, patrio solo nostram qualecumque dicare voluimus industriam, symbolamque quantam possemus ad Ejus illustrationem conferre conati sumus. Neque haec nostra Paroecia HALIKO, cuius descriptionem suscepimus, si rem æqua perpendamus lance, adeo obscura & ignobilis habenda est, quin commemorari mereatur. Nam ut vetustatem Ejus, qua cum antiquissimis pa-

A

roe-

roeciis Fenniae certare potest, situmque navigationi mercatū
ræque opportunissimum omittamus, templo instructa est ornati-
ssimo, prædiis gaudet immunibus, quæ inde a temporibus,
quibus mentio eorum primum occurrit a nobilissimis illustris-
simisque possesta fuerunt familiis, virosque denique bello &
pace clarissimos, litteratissimos & in patriam meritissimos e
gremio suo egressos vidi. Dolendum quidem est, quod per
longam, quæ prisum & hodiernum intercedit ævum, anno-
rum seriem, injuriasque edacis temporis, omnia fere scripta
canæque antiquitatis monumenta perierint, ut sacerdolum nuper-
ime præterlapsum vix illustrent quæ ad templum Paroeciæ
servantur documenta. Sed nihilotamen minus quæ aliunde
colligere potuimus memoratu digna, cognitioni Patre perfec-
tiori aliquid saltem utilitatis allatura esse existimantes, cona-
menque nostrum, tenue licet & rude, eo respectu rerum Fen-
nicarum amantibus, penitus ingratum non fore sperantes,
partem primam spicilegii nostri in lucem edimus, eandem, &
si fata tulerint, secuturas, favori & ceniuræ benigniori Le-
ctoris Benevoli etiam atque etiam commendantes.

Quod primum ad ætatem Paroeciæ Haliko attinet, illam
inter antiquissimas Provinciæ nostræ, immo totius Fenniae,
merito esse annumerandam, indubium est; anno enim 1350
mentio Curati ejus JACOBI in Testamento quodam jam occu-
rit (a). Probabile tamen putamus illam unacum pluribus ci-
cum jacentibus Paroeciis ex. gr. Bjernoënsi, Kikalensi & Ny-
byënsi, proximo post invasionem Svecorum tempore, partem
con-

a) Vide PAULI JEUSTEN *Chronicon Episcoporum Finlanden-
sium a Cet. PORTHAN annotationibus & Sylloge monumen-
torum illustratum pp. 228 & 229.*

constituisse Paroeciae Uskelenensis (*b*) atque commune cum ea templum habuisse, quo vero tempore inde sit separata, amplius non liquet (*c*).

Quemadmodum in detegendis rerum incunabulis operumque primordiis atque in eruendis originibus nominum, quæ majores primique terrarum incolæ, insdem vel forte quadam vel rationibus sua jam vetustate sepultis olim imposuere, Historia Patriæ nostræ, fidam raro fæse præbeat ducem, antiquitatisque veram faciem spisso quasi occulat velo; ita qui factum fuerit ut HALIKO diceretur Paroecia nostra, Etymologiam denominationis inquisituri, certo statuere minime audemus (*d*).

A 2

Si-

-
- b) Vide Åbo Stifts Matrikel uggiven af Nils M. TOLPO, Åbo 1807 & paginam 135. Nybyënses refta ad templum Uskelense habuere viam, cujus usque ad novissima tempora vestigia haud pauca remanserunt.*
- c) Hoc tamen factum esse jam ante annum 1330 Chronicon Episcoporum a C. Porthan editum tam loco citato, quam pagina 246, extra dubium ponit.*
- d) Si tamen conjeturis neque illis sane omni verisimilitate destitutis, uti licuerit, nomen hocce Paroecia accepit suum ex antiquo Fennorum Numine HALLI, cuius sedem nostrates putarunt montem altissimum, vulgo Isomäki, ad templum situm, ut scilicet mons iste vocaretur Hallinkoto (*domicilium Halli*), unde per abbreviationem ortum est nomen Halliko, quod deinde totius factum est Paroeciae. In hoc ipso monte occurrit spelunca, in latere ejus prærupto posita, ex laminis crassioribus lapideis confectum naturæ opus, cum pluribus latibulis & concame.*

Sita vero est Paroecia nostra in Provincia Fennia stricte sic dicta, Praefectura & Dioecesi Aboënsi, Nomarchia Nylandæ & Tavastiae, Territorio Pike & Haliko superiori, (pars tamen ad Territorium Maskoënsse pertinet) atque contractu Bjernoënsi. Magnitudo areæ illius est 2,7 millaria quadra-ta (*e*), & in longitudinem ab Aquilone (NNO) ad Liban-tum (SSW) per 3,12, in latitudinem per 1,62 millaria Svecana fere expandit. Lacus heic non inveniuntur, bini vero, si a rivulis discesferis, Paroeciam interluunt amnes, quo-rum major (*f*) medium transfluit, ejusque nomen gerit (*g*), minor a Civibus *Lembild Ån* dictus; ambo vero tandem un-dis permiscentur sinus Halicoënsis, qui incolis hujus & cir-cumiacientium Paroeciæ mercaturæ quæstuosæ operam dan-di, occasionem præbet optimam. Hic quoque, teste *GANAN-DRO*, occurunt acervi lapidum, reliquæ casarum Lapponica-rum (*h*), quæ Lappones nostras ut aliæ Fenniæ olim habi-tasfe

rationibus, quorsum sub invasione hostili, refugium olim cepisse incolæ, postea vero latrones ibi habitasse perhi-bentur, quorum adhuc vestigia plurima ibi conspiciuntur.

e) Vide *DJURBERGS Uiförlig Geographie, Beskrifning om Svea Rike, 4:de Bandet innefattande Finnland, Stockholm 1808* pag. 94 & 95.

f) *TUNELD* in *Geographie öfver Konungariket Sverige, 4:de Bandet, 9 de delen* pag. 35, illum inter maximos Fenniæ strictioris amnes enumerat.

g) *DJURBERG* loco citato hunc amnem, ramum (*gren*) amnis Saloënsis male vocat.

h) Vide *GANANDRI Mythologiam Fennicam* & pag. 22.

tasfe oras indicant, nos vero illos nondum detegere potuimus. Dialectus lingvæ, quam loquuntur habitatores nostræ & vicinarum Ecclesiarum, Ulkelenfis, Bjernoënsis &c. a ceterorum Aboënsium parum differt, magis tamen contrahunt ab breviantque vocabula illi, præsertim Halicoënses(*i*), de quorum obser.

i) Sic ex. gr. *koer* pro *koira*, *taevar* pro *taivas*, *aer* pro *aira* dicunt; *tul* *tupah* pro *tule iupaan*, *ott* *lakin pois* *päästäs* pro *otti lakin pois päästäänsä* & sic porro. Ut hæc differentia dialectorum eo magis appareat exemplum heic nobis afferre liceat tam declinationis quam conjugationis Fennicæ.

Declinatio Halicoënsis, Aboënsis

1.	<i>kaol</i>	pro	<i>kaula</i>	Iat.	collum
2.	<i>kaola</i>	—	<i>kaulaa</i>	—	collum (accus. partialis)
3.	<i>kaola</i>	—	<i>kaulan</i>	—	colli
4.	<i>kaolah</i>	—	<i>kaulaan</i> I. <i>kaulahan</i>	—	in collum (de motu in loc.)
5.	<i>kaolal</i>	—	<i>kaulalle</i>	—	collo (Dat. de motu ad loc.)
6.	<i>kaolast</i>	—	<i>kaulasta</i>	—	ex collo (de motu ex loco)
7.	<i>kaolald</i>	—	<i>kaulalda</i>	—	a collo (de motu a loco)
8.	<i>kaolas</i>	—	<i>kaulasa</i> I. <i>kaulassa</i>	—	in collo
9.	<i>kaolal</i>	—	<i>kaulalla</i>	—	in I. cum collo
10.	<i>kaolan</i>	—	<i>kaulana</i>	—	collum
11.	<i>kaolaks</i>	—	<i>kaulaksi</i>	—	in collum (de consilio I. fine attingendo)

& sic porro in cetens casibus.

observari quoque meretur dialecto, illam hoc respectu lingvæ Estonicæ similiorem esse quam reliquorum Fennorum. Notræ Paroeciae annexa est Ecclesia Filialis Angelniemi, olim Corvis (*k*) appellatum, cujus altera minorque pars una cum Sacello in insula Kimitoënsi, altera vero, eademque major in terra continentis sita est.

Vici.

Conjug. Halikoënsis, Aboënsis

Præs.	<i>mä pane</i>	<i>pro</i>	<i>minä panen</i>	lat.	pono
	<i>sä pane</i>	—	<i>sinä panet</i>	—	ponis
	<i>hän pane</i>	—	<i>hän panee</i>	—	ponit
	<i>me pane</i>	—	<i>me panemme</i>	—	ponimus
	<i>te pane</i>	—	<i>te panette</i>	—	ponitis
	<i>he paneva</i>	—	<i>he panevat</i>	—	ponunt
Imperf.	<i>mä pani</i>	—	<i>minä panin</i>	—	ponebam I. posui
	<i>sä pani</i>	—	<i>sinä panit</i>	—	ponebas
	<i>hän pani</i>	—	<i>hän pani</i>	—	ponebat
	<i>me pani</i>	—	<i>me panimme</i>	—	ponebamus
	<i>te pani</i>	—	<i>te panitte</i>	—	ponebatis
	<i>he pani</i>	—	<i>he panit</i>	—	ponebant
Imperat.	<i>pan</i>	—	<i>pane</i>	—	pone
	<i>pankka</i>	—	<i>pangaat</i>	—	ponite
Infin.	<i>pann</i>	—	<i>panna</i>	—	ponere

& sic porro in ceteris verbi flexionibus.

Confr. quoque Percel. Dni Acad. Adjuncti & Lectoris Sem. Pæd. Mag. GUST. RENVALL Diss. De orthoëpia & orthographia Lingvæ Fennicæ partem priorem & pp. 16 atque 27.

k) VON HENEL in opere; *Florerande Sverige anni 1739* & pag. 235; male hoc Sacellum Corjas vocat.

Vicinæ Paroeciae, quæ nostram circumcingunt & ejus limitant fines, sunt: ad Orientem Ufkela, ad Septentrionem Nyby l. Paroecia Beati Martini. Ab Occidente sibi confinem habet Pemar, ab Austro Kimito, partem vero ad Africum (SW) vergentem tangit Paroecia Sagu (l).

Una cum Annexa Angelniemi, secundum librum descriptionis terræ l. rationarium (*Jordabok*) anni 1790, $132\frac{1}{2}$ portiones viriles (*Mantal*) novas seu moderatas (*förmelade*) complectitur hæc Paroecia, quarum $110\frac{7}{8}$ ipsam, reliquæ $22\frac{1}{4}$. Annexam constituant, veteres vero $165\frac{5}{8}$ (m), quarum $136\frac{1}{8}$ ad Ecclesiam matrem, & $29\frac{1}{4}$ ad filialem pertinent. Harum circiter 36 sunt Censiticæ (*Skatte*), 81 Fiscales (*Krono*), atque $43\frac{5}{8}$ Liberæ (*Frälse*), quarum tantum 7 portiones viriles ab aliis, sed reliquæ $41\frac{5}{8}$ a Dominis Prædiorum Åminne & Wiurila posidentur. Prædia immania (*Säterier*) sunt quinque: Åminne (n) quod jus Patronatus in nostra Paroecia tenet, & a vidua liberisque b. m.

Comi-

l) **DJURBERG** loco citato omittit Paroecias Nyby & Kimito ut confines nostræ, sed Paroeciam Bjerno affert, quæ nostram non attingit.

m) **TUNELD** loco citato pag. 34, 143 portiones viriles nostræ annumerat Paroeciæ sed male.

n) **DJURBERG** loco saepius citato Prædii immunis Åminne prouersus oblitus est, princeps licet sit omnium, jusque Patronatus exerceat. Reliqua quatuor prædia quidem nominat, sed male pro Wiurila, Winila habet. **TUNELD** loco citato pag. 66 ex his tantum prædia Åminne & Wuorentaka affert.

Comitis GUST. M. ARMFELT posidetur, Wiurila & Wuoren-taka quorum Dominus est Subtribunus & Eques Ordinis En-fiterorum Svecici, Liber Baro AUGUSTUS PHILIPPUS ARMFELT, Lembilä & Naapala, quorum Subtribunus & Eques Ordinis Ensiferorum Svecici JOHANNES GUSTAVUS BRUNOV prius, po-sterius vero Centurio JOHANNES OTTO VON KNORRING jam possident. Prædia hominibus munere publico fungentibus ad habitandum concessa, præter Sacerdotibus permissa, sunt; Wartzala, Centurioni antehac Legionis Dimacharum prætoriæ, Meilala, Subcenturioni Legionis Nobilitatis (*Adelsfanan*), Hyperä, Ordinum diribitori (*Fältväbeln*), Hulvela, Signiferi vica-rio (*Sergeanten*), Korvenpää, Castrimetatori (*Fourieren*), & Tammepää, Inferiori militum ductori (*Föraren*) Legionis pe-ditum Præfecturæ Aboënsis assignata.

Ex illis supra allatis veteribus portionibus virilibus tan-tum $117\frac{3}{4}$ antiquitus ad nostram pertinuerunt Paroeciam, sed postea (o) ex Paroecia Kimito $1\frac{5}{12}$, ex Nyby $11\frac{3}{8}$, ex Sa-gu $25\frac{1}{2}\frac{1}{4}$ atque ex Pemar $9\frac{1}{3}$ portiones viriles accesferunt. Prædia integra (*Hela Hemman*) (p) habet Paroecia 212 & cum fisis 260, quarum 214 ad Ecclesiam matrem, 46 vero ad annexam Angelniemi pertinent. Tuguria agello instructa

(Torp)

- o) Accurate quidem definiri non potest, quando Paroecia nostra augmentum hocce accepérit, sed ex antiquo ad templum servato indice baptizatorum (*Doplångd*) colligi potest, id saltem ante annum 1692 accidisse.
- p) Hic observari debet, in Svecia prædia integra idem sig-nificare ac portiones viriles (*Manta*) quod apud nos non item obtinet. Confr. BOTIN om Svenska Hemman, 1:sta Deli, C. II. §. X. n. 40 & 41.

(Torp) 185 & ædiculæ (Backflugor) 26, secundum tabulas
cenforias (Tabeller) anni 1810 inveniuntur.

Paroecia hæc nostra est Patrono jure quodam obstricta (*Patronet*). Posseſores nempe prædii immunis Åminne antiquitus jus habuerunt vocandi atque denominandi, quos voluerunt Sacerdotes, licet sua sponte interdum jus hocce neglexerint. Qua de causa, secundum ad templum servatos authenticos indices electorios (*val längder*), Ecclesiæ vocatione, Adjunctus Ministerii ERICUS WIDENIUS, anno 1740, Sacellanus & anno 1750, Pastor hujus Paroeciæ constitutus eit, atque vicarius Pastoris ABRAHAMUS PAULIN anno 1751 & Adjunctus Ministerii Mag. INGEVALDUS NORDLING anno 1771 Sacellani facti sunt. Sed de hoc Sacerdotes eligendi ac denominandi jure, non quidem amisso, sed posteris reservato, anno 1700 lis acerrima (q) exorta eit inter Posseſorem Prædii Åminne.

B

Vi-

q) Quæſitionem de illa re, jam antea habitam esse, propter bellum vero & invasionem hostilem fortassis interruptam, sequens præ se fert Consultum Ecclesiæ (*Kyrkostämmo beslut*):

Anno 1694 d. 2 Decembris voro Kyrkiones Sexmän och the äldste och förnembste af Församlingens Invånare efter överstånden Gudstjenst tilstädés för någre angelägne orsaker skull, och då ibland annat blefvo proponerade efter Inspectorens Välbetede ERNEST GRABBES begärnan efterföljande puncter angående Åminne jus Patronatus; i förstone förestältes denne frågan:

1:mo Om Åminne Herrskap af sin fasta Egendom hafver givit Jord och Grund till, tå Kyrkian opbygdes. Derpå svarades affirmando, och att the af sine Föräldrar och

Viduam Senatoris Regni Sveciæ atque Commendatoris Ordinis
Ensiferorum cum magna Cruce Comitis UDALRICI BARCK, il-
lu.

Förfäder till den ährfarenhet komne äro att fundus hörer
Åminne till och altid varit Dominus Fundi.

2:o Om Åminne Herrskap af egen bekostnad Kyrkian helt
och hållit opbyggia lätit? dertill svarades att Åminne icke
allenast Halicko Kyrkian uthan jemvähl Sahlo och St. Ber-
tills Kyrkia med en ansenlig bekostnad opbyggia och för-
färdiga lätit.

3:to Om ifrån Åminne vore något gifvit som lender till
Kyrkiones torft och prydnat? Affirmerades per totum med
betygande att icke allenast Coorbalcken förmelst besvär
och bekostnad är förfärdigat och förbättrat, uthan der-
jempte Messhakar, Klockor, förgylta Kalken ifrån Åminne
till Kyrkian offererat och begåfvat.

4:to Om icke Åminne alla tider haft rättighet att utsee,
vällja och kalla en Prästman till Församlingen? svarades
affirmendo, attesterandes derjempte, att ifrån uhrminnes
tid hafver Åminne ägat jus dominandi (denominandi?)
vocandi & präsentandi Kyrkioherdar och Capplaner. Och
att ofvanbemälte interrogatoria uti Kyrkio Rådh och the
äldstas uthaf Sochnemänners närvoro äro af mig under-
skrefne, proponerade och befrågade, och att jemvähl the då
närvarande hafva desse puncter, på sätt och viis som of-
vanbemelt är besvarat, sådant här med pro conscientia at-
testerar, anno & die ut supra.

ERICUS STENBERGIUS,
Pastor in Halicko.

ERICUS INDRENIUS.

Iustrissimam Comitem Regni CATHARINAM EBBAM HORN & reliquos Paroeciae incolas, quæ primum, sententia Supremi Di-
casterii Aboënsis, die 22 Martii 1780, & postea statuto gra-
tiosissimo Sacrae Regiae Sveciae Majestatis, die 2 Junii ejus-
dem anni ad votum nominatæ Comitis decidebatur, atque jus
Patronatus ex §. 7 anni 1723 privilegiorum nobilitatis, ex §.
12 C.p. 19 anni 1686 Legis Ecclesiasticae (*Kyrkolog*) & præ-
cipue ex illa ratione quod beatissimæ memorie Rex Sveciæ
CAROLUS XI jus patronatus Posseßorum prædii Åminne
propria manu quodammodo configuaverit (r), ei adjudicaba-
tur. Dominus Prædii hujus, non solum Pastorem, sed etiam
ambos Sacellanos Paroeciae igitur denominat, sed Adjunctus

B 2

Mi-

*De allmänna berättelser ibland den gemena hopen hafva
än i dessa våra tider så continuerat, att med öfvanstående
således sammanhänger intyga Åminne d. 12 Aug. 1748.*

ARVID PAULIN,

Kyrkoherde i Haliko.

CARL MELARTOPÆUS,

Kyrkoherde i Uskela.

r) Extraæt utaf den år 1722 hälne Comission öfver alla Pa-
storater : N:o 4.

HALICKO HÄRAD: Nedan nämbde Pastorater uppföras på
den år 1693 ifrån orten insände Specification såsom ey
förrut regale, men hafva igenow Hans Kgl. Maj:ts up-
på berörde Specification gjorde egenhändige annotation, så
väl som den samma år till Landsorten afsände listan blif-
vit för regale förklarade, hvilka i anledning af Regerings-
formens 40 §. nu komma att ställas under Consistorii dis-
position, såsom de för 1680 varit, nemligen

HALICKO Sockn med ANGELNEMI Capell;

för hvilken på listan finnes annoterat at Åminne Herrskap
upbygt Kyrkan år 1440 och vill derigenom tilägna sig jus
Patronatus och skall Kyrkan ligga på Frälse ägor.

Ministerii ab Ecclesia vocatur & secundum decretum Regis Sveciae anno 1792 die 6 Julii datum, a voluntate incolarum pendet, an hunc Ministrum alere velint sive non (s).

Templum Ecclesiae principalis Haliko anno 1440 prope viam publicam, quæ ab urbe Aboa, Petropolin versus tendet, ædificatum est, secundum vulgarem opinionem ab HORNIO quodam, possestori prædii Åminne, qui detestabile facinus a se commisum expiaturus, templo, non solum Halicoënse (t), verum etiam Saloënse & Beati Bartholomæi exstruxisse, & genibus inter illa iter fecisse fertur. Secundum mappas Hällströ-

s) Consistorium Ecclesiasticum Aboënse, per sententiam die 29 Febr. 1792 datam, Libero Baroni MAGNO GUILLEMHO ARMFELT, Possessori prædii Åminne, jus etiam Adjunctum Ministerii vocandi addixerat, sed Rex Sveciæ illam tollebat & jus hocce civibus Paroecia reservavit.

t) In *Dissertatione Dotationes altaribus Templi Cathedrales Aboënsis quondam factus exhibente, Præs. JOH. BILMARÆ Pro Gr. HENR. TÖRNROTH v. d. m. 1782* & pag. 6. hæc leguntur: "Magis pro comperto habent nonnulli, quod HORNIUS quidam de Åminne, grave facinus, quo plurimum indignationem in se converterat, expiaturus, Templo b. Bartholomei & Saloënse Ecclesiae Uskelensi annexa suis sumtibus exstruenda curaverit." Templum vero Halicoënse, sicco, ut ajunt, pede omnino præteriit hujus Dissert. auctor, licet primum & præcipue ab HORNIO illo exstrutum fuerit. De qua re confr. *Diss. de Paroecia Somero* & pag. 4. *Præs. D. PETRO KALM, R. CAR. PETRO BOREVIO anno 1774 editam.*

strömo. Hermetinianas latitudo templi nostri Geographica est $60^{\circ} 25'$, longitudo vero ab Aboa $47' = 3' 8''$ temp. ut sit haec longitudo a Parisis 1 h. $25' 0''$ vel a Ferro $40^{\circ} 45' 0''$. Distantia templi a Templo Aboënsi $4' 01$ & a Petropoli $36,3$ milliaria Svecana in arcu circuli efficit, via vero publica a Petropoli 57 milliariorum, ab Aboa 5:to abest templum. Situm est in laxe arenæ fundamento, edito loco, & ad plagam septentrionalem pulcherrimo populorum tremulorum luco circumdatum, præclaroque sane ornatur prospectu; fertiles namque agri, graminea prata, præaltæ rupes, undosum æquor, silvestres saltus, umbrosi luci, urbane villa illud circumquaque cingunt, oculisque attenti contemplatoris variationem conciliant dulcissimam.

Nomen suum a Sancta Brigitta gerit & rudibus initio totum quantum structum erat lapidibus (*Gråsten*), in formam oblongam & tectum scandulis, arctioribusque olim quam quibus nunc circumscribitur, restringebatur terminis, obscurumque & valde angustum erat. Sed in Concione publica membrorum Ecclesiæ anno 1798 die 25 Februarii habita, propositione & consilio viduæ L. Baronis MAGNI ARMFELT, MARIAE CATHARINÆ WENNERSTEDT decernebatur, ut templo, ut pote arcto & tria millia hominum vix capienti, dilatationis necessariæ ob causam chorus adstrueretur novus. Ad hoc utille & honestum opus, nominata generofissima matrona, cuius maxima & pene immortalia in hoc templum & totam Paroeciam merita, pia semper servabuntur memoria, omnem latrem & calcem necessariam, præter operas atque mercedem fabris murorum solvendam, quam præstare Eius prædia deberent, munificentissime præbuit. Ædificatio autem ipsa, postquam Rex Sveciæ ichnographiam chori ad se misam approbaverat atque confirmaverat, æstatis tempore anni 1799 fulcieratur & ad exitum impigre perduciebatur.

Ela-

Elapsis vero vix 12 annis idem templum insigni reparatione & amplificatione indiguit; tectum namque ejus lapideum vetustate confectum fissurisque laborans, properam ruinam minitabatur & præterea multitudine incolarum indies crescente, angustia ædem sacram visitantes magnopere premebantur. Auctoritate igitur Patroni Ecclesiæ, Excellentissimi atque illustrissimi Comitis GUSTAVI MAURITII ARMFELT, summa cum jactura hujus Academiæ & totius almæ Patriæ, cujus felicitas ipsi semper cordi fuit, præmatura morte haud ita pridem erepti, & propositione Pastoris hodierni, patris nostri indulgentissimi, anno 1811 die 22 Septembris in publica concione membra Ecclesiæ consilium capiebant, de Templo, majoris spati & ornamenti gratia, in cruciforme mutando, tectoque novo novisque subselliis ceterisque quæ ad apparatum ejus pertinent, instruendo. Propositum hocce ad ductum delineationis a Præfecto ædificiis Finlandæ publicis ex officio factæ & a Sacra Cæsarea Majestate stabilitæ, ita perficiebatur, ut per æstatem anni 1812 tecto ligneo novo, arcuato (*kvälfat*) templum ornaretur, anno vero 1813, eodem æstivo tempore borealis pars crucis templi una cum Sacrario & armamentario (*Förrådshus*), atque anno demum 1814 australis pars crucis una cum mausoleo prædiorum Åminne & Wiurila ædificaretur. Sub hoc temporis spatio novis subselliis & contabulationibus superioribus (*Läcktare*) instructum quoque est & in eunte proxima æstate totum quantum pingetur novoque ornabitur suggesto templum nostrum. Hac igitur amplificatione &, ut merito dicam, restauratione delubrum hocce ita spatio & venustate conspicuum & decorum factum est, ut cum pulcherrimis totius Fenniæ templis ruralibus æmulari posfit, nisi primum forte sibi vindicet locum. Cruciformem igitur nunc habet figuram & longitudine a pariete orientali ad occidentalem 66, latitudine 40 ulnas intra muros continet, sacrario mausoleoque exceptis. Altitudo ejus ab imo usque ad oram

tecti

tefti inferiorem 12 ulnas, inde vero ad superiorem, seu ipsam trabem & culmen templi 28 $\frac{1}{2}$ ulnarum circiter compleftitur. Picturæ antiquioris ævi, præter quasdam imagines pietatis Apostolorum & Prophetaram, quæ adhuc contabulationes superiores ornant, omnes deletæ sunt. Parietes sunt calce illitæ (*Hvitlimmade*) & Chorus (*Koret*) egregie pictus & condecoratus. Addunt his decus fenestræ templi, numero 14 & una cum Sacrarii & mausolei 18, justo a se invicem disjunctæ spatio & patentioris ad lucem immittendam foraminis, unde lætam ab omni parte admittunt diem.

Super arce mensam a munificentissima matrona MARIA CATHARINA WENNERSTEDT liberaliter ornatam, ipsa altaris tabula, ab ipsa anno 1797 donata, pendet, Salvatorem representans crucifixum, cuius a milite latus perforatur. Ad pedes Ejus jacet mulier, duæque stant juxta militem. Antequam hæc tabula altaris templo donaretur, alia erat operi sculptorio instructa, tribus constans partitionibus, quarum infima institutionem Sacrae Coenæ, media resurrectionem Christi a mortuis præ se ferebant, suprema vero insigne ante oculos posuit Hornianum cum sequenti sententia: *Gudi till åra är dena altarekoftnad gjord af Herr GUSTAF HORN Herre till Wuorentaka och Leesniemi anno 1669.*

Duæ aliæ tabulæ chorū templi ornant, quarum una sanctissimum Salvatorem secundum descriptionem Lentuli, anno 1803 a MARIA CATHARINA ARMFELT, nata WENNERSTEDT, donata, representat, altera Regem Sveciæ gloriofissimæ memorie GUSTAVUM Tertium a Libero Barone AUGUSTO ARMFELT dono data præ se fert, aureis marginibus ambæ conspiciæ. Præter has adhuc inveniebatur tabula, quæ, inscriptio ne latina & svecana notata, super introitum chori posita erat, verum sub lite de jure Patronatus a Præposito WIDENIO, ut
acta

acta perhibent, amovebatur & perdebatur, ne argumentum ejus possesori prædii Åminne prodesset. Quod fortassis voluptatis aliquid antiquitatum curioso cum afferat, ejus exemplar heic apponemus (u).

Sug.

u) *Me. Deo. Chorum. absens. paravit. Baro. de. Åminne. CHRISTIERNUS. HORN. Svantonis. antiqua. stirpe. fundatri- ce. hujus. templi. Hornio. satus. generosus. majorum. jure. patronatus. insignis. animo. pridem. quod. volutabat. præ- sens. vel. quoque. haut. diversum. cuius. clarum. agnoscis. nitorem. et. cultum. mirare. simplicem. simplici. notatum. manu. selegit. coeruleum. natura. item. ille. oculorum. re- moram. sed. innocuam. adamarunt. bonæ. musæ. honestarunt. reges. Domini. adauget. quippe. visum. et. claritate. fulget. Te. obideo. haut. nihilominus. adspicere. queo. desunt. ad. hoc. nervi. interea. sed. te. ipsum. ut. inspicias. rogo. et. liberalitatem. patroni. — spectator. Hare. ad. Baronat. Hali- tonis. Trifantum. 4. Cal. octobris. 1658.*

Till Guds hus vyrdning
och Kyrkio prydning
har denna Chorn
Herr Christier Horn
Till Åminne och Eka
förutan tveka
Friborn Herre
Med större och smärre
Färgors Exempel
prydt Herrans tempel
så skall han ähra
thersför hembära

att han så lagar
När Gud behagar
hanom frånfahra
o Gud bevara
och gif god lyckia
Efter titt tyckia
att när så händer
han till os länder
och honom åther
Gud fromma låter
må i den gerning
se sin fördäring.

Suggestum vetus, opere sculptili affabre factum, quod adhuc templo inest, inscriptionem sub duobus insignibus Horniano & uxoris ejus habuit sequentem: *Den välborne Herre Öfverste Herr Gustaf Horn, Herre till Wuorentaka och Liesniemi &c. hafver denna Predikostohlen förärat Guds hus till prydnинг.* Novum vero, quod formae novae & emendatae templi sit conveniens, suggestum, hoc ipso anno Liber Baro AUGUSTUS ARMFELT de Wiurila suis impensis templo procurare generosissime pollicitus est. Contabulationes superiores sunt tres, amplae & lucidae omnes, una in utraque crucis parte, tertia e regione chori. Tres quoque in templo existunt Lychnuchi penitiles (*Ljuskronor*), quorum duo brachiis duodecim unusquisque instructi, a possidente prædii Wuorentaka olim donati sunt. Ornata quoque hæc ædes sacra vasibus est argenteis & palliis sacerdotibus pluribus sericeis & aliis ad cultum Dei publicum decenter administrandum necesariis rebus. Huic enim templo id feliciter contigit, variis munificentissime provideri ornamentis & utensilibus cultus sacri, liberalitate quarundam patronarum Ecclesie, inter quas præcipue nominamus Illustrissimam Comitem Regni CATHARINAM EBBAM HORN, Liberam Baronem MARIAM CATHARINAM WENNERSTEDT atque Excellentissimam Dominam Comitem HEDVIGEM UDALRICAM DE LA GARDIE Membrum Ordinis de S. CATHARINA Imperialis, quæ pallium sacerdotale pretiosissimum ex albo serico confectum latis e filo aureo vero contextis tæniis & pictura tessili copiosissime ornatum donavit & nuperrime quoque novum Lychnuchum templum condecorantem generosissime pollicita est. Calices argentei ad sacram coenam ministrandam sunt quatuor, quorum maximus qui in templo usurpatur sequentem habet inscriptionem: *Calicem salutum accipiam & nomen Domini invocabo Psalm. 16 v. 13. Regnante Adolpho Frederico, administrante Provinciam Jeremia Wallen, Dioecesin Carolo Frederico Mennander & Paroeciam Erico Widenio: sumtibus tem-*

C. plz

pli Halicoënsis factus anno 1769. Tres reliqui calices operulis suis instructi ad sacram coenam privatim administrandam adhibentur & apud Sacerdotes Ecclesiæ servantur. Canthus argenteus hac ornatur inscriptione: *Thennia Kannan som fördom Sveriges Rikes Råd Herr Gustaf Christersson Horn Priherre till Åminne och Herre till Warsala är 1641 förärt till Halico Mordkyrka har uti Vice Pastoren Abr. Paulins tid år 1751 med Kyrkans bekostnad blifvit ånyo förfärdigad och till vigen förökt. Arcula sacrarum hostiarum argentea litteris A. H. & insigni Horniano insculpta est.*

Sacrarium novum anno 1813 exstruebatur longitudine 9 ulnarum, latitudine 14, amplum & lucidum, in muro effracta fenestra, cancellisque ferreis & foco ad ignes contra hibernum frigus fovendos, subselliisque instructum, ut confessio peccatorum ibi sollempni ritu fieri & Sacra Ecclesiæ Svecanæ, praesertim cum tempestas sit perfrigida peragi possint. Armamentarium ubi instrumenta & supellechia templi servantur, longitudine $4\frac{1}{2}$, latitudine 9 ulnarum, juxta sacrarium situm est.

Templo quoque non parum venustatis conciliat ædes sepulcralis faxea, longitudine 10, latitudine 7 ulnas complectens, arcu quadratae formæ instructa, nova & conspicua, possessorumque prædiorum Equestrium Åminne & Wiurila Familieque ARMELIANE propria, quæ anno 1814 communissimtu duorum Fratrum Illustrissimorum aedificata est, ita, ut Liber Baro Dominus AUGUSTUS ARMELT, quæ sub terra stritenda erant, fundaret, Excellentissimus vero Comes GUSTAVUS M. ARMELT, quæ supra terram exstarent, exstrueret. Quod vix perfectum erat opus, antequam Hic die 19 Augusti ejusdem anni in Czarskoe Zelo pie defunctus, suo in conditorio requiem ipse capeseret ultimam. Domus quadrata ambitu 28 ulnarum, ubi inhumata civium funera, antequam terre mandentur, interdum jacent, huic mansoleo adhaeret.

Ante